

SURAH AL- BAQARA

VERSES:147-153 {IN ROMAN ENGLISH}

SURAH AL- BAQARA



Assalamu 'alaikum Wa Rahmatullahi Wa Barakaatuhu



VERSES 147-153



BISMILLAH HIR RAHMAAN NIR RAHEEM

(Shuru Allah ke paak naam se , jo bada Meherbaan aur Rahemwala hai)



SURAH AL- BAQARAH
(Verses : 147 to 153)



147). Aye paigamber! (SalAllahu alaihi wa sallam) yeh naya qibla tumhare parwardegaar ki taraf se haq hai, toh tum hargeez shaque karnewalon mein na hona.

148). Aur har ek(firqe) ke liye, ek simith(muqarar) hai, jidhar woh (ibaadat ke waqt) munh kiya karte hai, toh tum nekiyon mein sibkhath haasil karo- Tum jahan honge Khuda tum sab ko jama karega- Beshaque! Khuda har cheez par Qadeer hai.

149). Aur tum jahan se niklo(namaz mein) , apna munh Masjid-e-Haram ki taraf kar liya karo- Beshuba woh tumhare parwardegaar ki taraf se haq hai- Aur tum log jo kuch karte ho, Khuda usse bakhabar nahi hai.

150). Aur tum jahan se niklo, Masjid-e-Haram ki taraf munh(karke namaz padha) karo aur Musalmanon! Tum jahan hua karo, isi (Masjid-e-Haram) ki taraf rukh kiya karo. (yeh taakeed) Is liye (ki gayi hai) ke log tum ko kisi tarah ka ilzaam na de sake- Magar in mein se jo zaalim hai(woh ilzaam dete toh hai) , so in se mat darna aur mujhi se darte rahna- Aur yeh bhi maqsood hai ki , main tum ko apni tamaam nemathen bakshun aur yeh bhi ke tum sahi aur sache raaste par chalo.

151). Jis tarah humne tumhe, tumhi mein se ek Rasool(SalAllahu alaihi wa sallam) bheja hai, jo tumko hamari ayaten padh padh kar sunate aur tumhe paak banate aur kitaab(yaane Qur'an) aur danayi sikhate hai, aur aisi baaten batate hai jo tum pahele nahi jaante the.

152). So tum mujhe yaad kiya karo, main tumhe yaad kiya karunga aur mera ahsaan maante rahna aur nashukri na karna.

153). Aye imaanwalon! Sabr aur namaz se madad liya karo; beshaque! Khuda sabr karnewalon ke saath hai .

(Sadaqullahul Azeem) ✨



SHURUKH HUSSAIN